



# O‘ZBEKISTON RESPUBLIKASI SIRDARYO VILOYATI HOKIMINING QARORI

2024 - yil 28 - iyun

192-9-0-Q/24

Sirdaryo viloyati hokimligi

## **Viloyatdagi jismoniy shaxslarga ko‘rsatiladigan qattiq maishiy chiqindilarni olib chiqib ketish xizmati uchun majburiy to‘lovlar tarifiga qo‘shimcha kiritish to‘g‘risida**

O‘zbekiston Respublikasi Prezidentining 2020-yil 29-sentabrdagi “Maishiy va qurilish chiqindilari bilan bog‘liq ishlarni boshqarish tizimini yanada takomillashtirish chora-tadbirlari to‘g‘risida” PQ-4845-sonli qarorining 4-bandi, Vazirlar Mahkamasining 2019-yil 6-fevraldagi 95-sonli qarori hamda Vazirlar Mahkamasi Rayosati majlisining 2023-yil 24-iyundagi 51-sonli bayonining 20-bandi, viloyat Iqtisodiyot va moliya bosh boshqarmasining 2024-yil 1-martdagi 02/38/148-sonli tavsiya xati, Xalq deputatlari Sirdaryo viloyati Kengashining 2024-yil 2-maydagi VI-66-39-9-0-K/24-sonli qaroriga muvofiq shahar va tumanlarda qattiq maishiy chiqindilarni olib chiqib ketish xizmati uchun to‘lovlar ta‘riflarini belgilash maqsadida O‘zbekiston Respublikasi “Normativ-huquqiy hujjatlar to‘g‘risida”gi qonunining 6- va 14-moddalari va “Mahalliy davlat hokimiyati to‘g‘risida”gi qonunning 6- va 25-moddalariga muvofiq qaror qilaman:

1. Viloyat Iqtisodiyot va moliya bosh boshqarmasining 2024-yil 1-martdagi 02/38/148-sonli tavsiya xati, Ekologiya, atrof-muhitni muhofaza qilish va iqlim o‘zgarishi boshqarmasining 2024-yil 7-martdagi 01-01/14-706-sonli murojaati hamda Xalq deputatlari Sirdaryo viloyati Kengashining 2024-yil 2-maydagi VI-66-39-9-0-K/24-sonli qarori bilan maqullanganligi ma‘lumot uchun qabul qilinsin.

2. O‘zbekiston Respublikasining 2023-yil 28-dekabrdagi “Soliq va byudjet

siyosatining 2024-yil mo'ljallangan asosiy yo'nalishlari qabul qilinganligi munosabati bilan O'zbekiston Respublikasining ayrim qonun hujjatlariga o'zgartirish va qo'shimchalar kiritish to'g'risida" O'RQ-891-sonli qonunining 4-moddasi 3-qismida belgilangan Sanitar jihatdan tozalash bo'yicha aholiga ko'rsatiladigan xizmatlarni realizatsiya qilishga doir aylangan 0 darajali stavka bo'yicha soliq solinishi 2024-yil 1-apreldan bekor qilingan. Shu munosabat bilan, O'zbekiston Respublikasining ayrim qonun hujjatlariga o'zgartirish va qo'shimchalar kiritish to'g'risidagi O'RQ-891-sonli qonuniga asosan jismoniy shaxslar uchun xar bir oila a'zosidan 4 000 (to'rt ming) so'm belgilangan tarif narxi QQS bilan birga 4 480 (to'rt ming to'rt yuz sakson) so'm miqdorida hisob-kitob qilinishi belgilansin.

3. "Toza hudud" davlat unitar korxonasi va uning tuman va shahar filiallari tomonidan jismoniy shaxslarga ko'rsatiladigan qattiq maishiy chiqindilarni to'plash va olib chiqib ketish bo'yicha xizmat ko'rsatish uchun majburiy to'lovlar ta'riflari, narxlarni tartibga soluvchi organ bilan kelishgan holda rasmiy e'lon qilingan kundan boshlab quyidagi tariflarga QQS belgilansin:

- jismoniy shaxslar uchun har bir oila a'zosiga oyiga **4 000 (to'rt ming) so'm** belgilangan tarif narxi QQS bilan birga **4 480 (to'rt ming to'rt yuz sakson) so'm** miqdorida;

4. O'zbekiston Respublikasining "Tadbirkorlik faoliyati erkinligining kafolatlari to'g'risida"gi qonunining 18<sup>1</sup>-moddasiga asosan qaror rasmiy e'lon qilingan kundan e'tiboran kuchga kiritilsin.

5. Viloyat Iqtisodiyot va moliya bosh boshqarmasi (F.Kushakov), Raqobatni rivojlantirish va iste'molchilar huquqini himoya qilish qo'mitasining viloyat boshqarmasi (Q.Yuldashev), tuman va shahar hokimliklariga joylarda viloyat "Toza hudud" davlat unitar korxonasi va uning tuman (shahar) filiallari tomonidan jismoniy shaxslarga qattiq maishiy chiqindilarni olib chiqib ketish xizmati ko'rsatilishida belgilangan to'lovlar ta'riflariga qat'iy rioya qilinishi ustidan nazoratni amalga oshirish topshirilsin.

6. Kambag'allikni qisqartirish va bandlik bosh boshqarmasi (Sh.Yakubov), Sanitar tozalash ishlarini tashkil etish respublika markazi viloyat hududiy filiali (K.Sulaymonov)ga tuman va shaharlardagi mahalla fuqarolar yig'inlari hududida istiqomat qiluvchi abonentlar bo'yicha ro'yxatni taqdim etish hamda chiqindi uchun to'lov hisobini yuritish elektron billing tizimiga kiritish vazifasi yuklatilsin.

7. Axborot va ommaviy kommunikatsiyalar agentligi viloyat boshqarmasi (A.Esonov), viloyat Teleradiokompaniyasi (Z.Darxanov), “Sirdaryo haqiqati” gazetasi tahririyati va rasmiy veb-saytlarda ushbu qarorni e’lon qilish tavsiya etilsin.

8. Qaror rasmiy e’lon qilinganidan so‘ng kuchga kiradi.

9. Qarorning bajarilishini nazorat qilish viloyat hokimining o‘rinbosari V.Ibadullayev zimmasiga yuklatilsin.

**Sirdaryo viloyati hokimi**



**A.Maxmudaliyev**